

fortassis *Slavos* primævum gloriosum veterimum nomen agnoscere? Quæ esset insania isthæc! Talia opera neminem, qui in hisce studiis diu multumque volutatur, qui doctrinam cum veritate prudentia et moderatione conjungit, unde existimatio et auctoritas exoritur, abstertere debent, ne aliquid longe copiosius verius perfectiusque totum Illyricum complectens in publicum proferre queat.

Quanquam Illyrii provinciarum atque dialectorum nomine inter se differunt, quod apud alias quoque gentes videmus, ii tamen origine et lingua et moribus hodieum conveniunt. Lingua, quæ cum successiva hujus Gentis propagatione per regiones migrabat, etsi formam subinde immutaverit, et nova vocabula immiscuerit, et nonnulla vetera corruerit, unde diversæ dialecti enatæ sunt, perenne tamen hujus Gentis remanet monumentum. Itaque optandum est ut, quemadmodum diversi ejusdem originis populi communi nomine **ILLYRICUM** appellantur, sic ex tot dialectis una generalis docta Lingua componatur. Ad id efficiendum docti Viri ex unaquaque regione in unum convenire deberent, qui in singularum Dialectorum voces, radices, etymologias inquirerent; qui earum species, derivationes, discrimina et quantum accedant, acute examinerent; qui primævum vocabulorum sensum

nec-